

平
尚
詩
州

彙
壯
日

著者自序

國家圖書館 NATIONAL LIBRARY TAIWAN R.O.C.

靈谷詩州日壯集

師北自署



國家圖書館, NATIONAL CENTRAL LIBRARY, TAIWAN, R.O.C.



雪谷詩草 曰壯集

目錄

五古

秋懷

秋遲篇

垂露吟

花問草

草答花

雪中憶弟

秋曉

關山難

佳人篇

盆草嘆

夏宿山家

久不見楊歧峯突然遇之倍覺秀奇秀

相思行

道旁吟

送別八弟君絳重之日本 二首

訓吳達軒明經見贈

還東村故居

寄政和黃絜麓

東隣叟

棄兒行

情溺篇

中秋問月

三十書感

七古

觀挿田有感

望雨

月夜渡洞庭

楊岐登萬刃峯歌

哀故宮

自題觀水圖

清貧歌贈陳省仁

哀蜀都

俠烈郎四首贈友從軍

哀衡陽

湘江水

哀醴陵

清明小雨歸自補病齋愛所經山水幽僻書

復齋主黃子劫麓

嶽麓游

檢舊篋得亡友吳企仁最後手書

東京觀女子小學運動會歌

淺草訪黃季寬留飲醉中書

重陽醉雨

五律

孤村

寄居山家有感

苦雨

秋日山居早起

游山宿村家有感

餞送吳企大令宦遊巴蜀

秋夜

初春野步

短晴

次韻純一寶積寺黃山谷手植羅漢松

七律

菊花 四首

書懷

武昌登南樓

送黃絜麓出宰閩中

春淫初霽游郭外

秋興 二首

池雲自上谷函問詩道詩以答之

無端

秋鴈 四首

折桂供書案

黃鶴樓

抱冰堂

丙辰春雨中雜感四首

哭吳企仁

初春感興 回文

落葉四首次韻吳達軒老人

再和四首

郊居

夜坐

遊深山

新秋坐月分韻得涼字

哭十妹 二首

鄉春即景

喜池雲自保定歸

寒疾卧成

過亡友吳企仁家

元夕有感

病起

種梅

春夜山行尋陳氏莊莊近古剎

除夕感懷

送池雲赴山西應闔督軍電調

東京中秋書感

遊日比谷公園

接家報僅老母在家感慕而賦

憶諸弟

秋夜醉後日比谷公園看菊花會

續夢中句

雨夜寒甚與友人縱談世道書此

送春

春闌厭雨

贈落花

秋夜不寐

喜舊友陳省仁至

山行

五絕

之日本經鄂待輪有感

中秋對月懷諸弟及諸友

村行

贈友

看月

短句二首

渡海

喜居停主剪窗外樹

七絕

武昌南湖別池雲

秋早

秋晚

長沙登天心閣

荒村

舟行

夏晚

啜殘花

月夜觀雪

過友人齋

墻外芭蕉一葉獨露感賦

幽居

洞庭湖

雨後

折花吟

次韻黃道腴校中新柳

秋閨

看花

早起

山齋秋夜

桂

菊

送妹夫李翰侯之咸陽 二首

贈梅

冬夜與諸弟談道

溪流

天水吟

讀山谷詩

船宿門司

神戶中途送別八弟君絳之鹿兒島

夢回

苦吟自嘲 二首

夜來

春閨

夜泊金陵

偶然

東游記別 四首

寓園雜詠 二首

幽居

秋夜偶成

客興

園望

植柳

舟吟

偶吟

除夕雪達元旦

中秋不見月

雪

目錄終都一百五十二題古今詩一百八十首
此皆三十以前之作故題曰曰壯集



雪谷詩草

曰壯集

萍鄉蕭師兆覺因著

五古

秋懷

涼颶淒林垞，葉落已知秋。
閉置自蕭條，颯颯逾清幽。
宇宙隱遞嬗，二曜潛推流。
無知因蕃耗，有知驅懽愁。
眾智競存毀，禦衛各相求。
真靈激泯喪，秉彝長拘囚。
安能越大陸，結儕棲窮陬。
飲水活胚渾，歇耕發清謳。

栖遲篇

栖遲深山谷，朝暮遣清狂。
雖云真樂在，有時哀且傷。
借問傷為何，世刦正無量。
機械如春草，有地皆鋪張。

稍肆輒相觸，跬步踵間防。驕奢滿大陸，眾生自罽縵。
蒸蒸物質明，渺渺性靈亡。智巧卜結束，人類自相戕。
藝術慧西土，道德蘊東方。所見各有到，所用各有良。
殿最豈難分，眾口妄雌黃。黷黷自為色，一人一眼光。
高哉瞿李孔，萬古落其疆。到灘始返櫂，空悔順風颺。
草木有鮮氣，願與世人嘗。秋商不時已，會當逢春陽。

垂露吟

朝起陟山邱，重露凝叢綠。涓涓垂皇顙，累累懸珠玉。
枝高露亦高，枝曲露隨曲。寧知物昂墮，麗身願已足。
須臾皦日晞，消渙失依屬。結緣藉滋沾，壽命且逼促。

奈何希榮子，深壑思填慾。

花問草

豪奢貴家院，璀璨院中花。臺池清以潔，風雨護且遮。
肥沃健根蒂，怒開散雲霞。自顧身如此，生世頗榮華。
笑問離離草，何故鋪泥沙。既有踐踏辱，猶虞利刀加。
恨汝大淡素，青青無奇葩。常厭世人眼，奚得世人嘉。
墮落遭蹂躪，自取亦何嗟。

草答花

托根在平地，造化付天真。生滅任自然，長短聽前因。
踐踏與利刀，欲避莫潛身。殘割憑掌握，救赦恃慈仁。

小草柔且弱，安可抗千鈞。汝得東皇寵，私心倩代陳。
不須邀繁錦，能生即是春。

雪中憶弟

幽幽大地晦，淒淒朔風逼。冽冽伏羣動，抵隙侵重棘。
刺骨凜無聲，開門寒有色。素花何飛飛，清水何凝塞。
江南已如此，况乃江之北。與子同一本，歲寒動深憶。
骨肉暫相離，精神長相即。貞筠阿母操，本性固遺得。
我壯子尤少，愛年應努力。願借懷冰時，愈磨堅勁德。
試看柏與松，四時鬱奇馥。

秋曉

秋曉浮輕霧，霄霓無可掬。當戶有人家，濛濛不見屋。
奇秀失峰巒，扶蘇沒竹木。渠亦望吾居，全向煙雲伏。
自顧頗分明，觀人輒碍目。豈知無汝我，同在霧中逐。
譬彼靈虛宰，物慾忽被畜。自覺理方新，人視欲甚宿。
大學明明德，君子慎其獨。倘或見人非，弗用肆譏僂。
急須轉厥棹，憬然捫己腹。

關山難

儂從北山來，欲向東關度。關山險且遙，途窮傷日暮。
憶昔閨苑春，頻遭風雨妒。花開葉重遮，花落子未固。
開落等尋常，幽懷向誰訴。瞥眼跡已陳，一夢事成故。

錦繡重江山。羸餘輕醬醋。相隔天與淵。相殊絢與素。
試問四千年。誰復如妾儂誤。使君儂相識。半生濃雨露。
奈何關山難。相逢不相顧。矯首觀羣鳥。翩翩何自娛。
我馬隨以隕。悠悠自行路。

佳人篇

荆楚有佳人。淡素輕紈綺。兢兢慎顧盼。默默藏皓齒。
寂寞守深閨。貞潔曾自矢。南國多名姝。淑德不可擬。
北部炫胭脂。容華伊誰比。雍雍懷雅度。飄飄真仙子。
卓然冠名都。循循依素履。眾女嫉娥眉。謠詠弗能毀。
狂風撲花飛。色香人共喜。茵溷固偶然。開落原一理。

愛惡各有心。寧損天生美。

盆草歎

青青無名草。生長幽巖幽。秀拔頗有姿。離離罕其儔。
游目欣然賞。呼童出諸陬。貯以黃瓷盆。澆以碧玉甌。
朝移硯石間。夕置池水頭。滋培殷且厚。英華時繁抽。
意態徐入雅。清新漸悅眸。回首曠野中。萋萋劫霜秋。
斯根別有托。零落豈知愁。伴我几案側。四序已三周。
飽吸靈神發。深聆清韻流。茲我有遠行。萎絕已自休。
相離殊未遠。奈何遽弗瘳。吁嗟根器淺。終難語深修。
頃息常與接。濡染覺相投。灌溉或稍疎。輒蹈自棄羞。

惡莠恐亂苗，聖意故吹求。所以小有材，不免殺身憂。

夏宿山家

山高月難越，樹密炎被擊。夜半涼徹骨，清夢斷未成。
村犬床頭吠，怪鳥屋角驚。窺窗天已白，林廡猶鬼鳴。
久不見楊岐，峰突然遇之。倍覺奇秀。

疇昔寄村廬，岐峯作良友。鬱鬱錦繡胸，昂昂羣山首。
謂傲却甚恭，晨夕臨戶牖。儼如陶隱逸，就鄰樂杯酒。
相與談素心，殷殷情意厚。謂莊殊復雅，婉同閨中婦。
春日上翠樓，凝妝望楊柳。有時雲霧濛，天風作長帚。
頃刻光霽生，一掃無微垢。含氣既深宏，堅定有真守。

任爾瘴勢雄，埋沒不能久。昔我慣相見，視之亦苟苟。
睽違八九月，突遇三春後。恍如覩天人，翩翩世無偶。
矯矯凌霄姿，飄飄散花手。灼灼不轉目，嘖嘖不置口。
眾山粗且頑，豈足供奔走。乃知與汝親，有福方消受。
寄語世間人，當境休矇眛。不因西子妍，不形東施醜。
不有叔孫真，不知優孟朽。比較始判別，觀人法猶否。
十室忠信存，十步芳草有。察宜嚴眉睫，交勿失臂肘。
過去空相思，徒然呼負負。

相思行

幽幽地上苔，萋萋園中萊。寂寞時獨坐，默默腸九迴。

九迴空相思，多愁誰復知。忽聞好鳥聲，婉轉鳴花枝。
似云能遠至，為報心頭事。心頭事萬千，汝舌豈能寄。
微微世界塵，輕情重藝新。男兒誤誇志，可憐閨中春。
軌電任神速，飛機任搏逐。難展意纏綿，一時千往復。
安得神相曉，我思君了了。身別心相通，奇妙入空杳。
空杳長如見，遲遲陋無線。寄語精神家，發明心上電。

道旁吟

道旁春草青，根下莓苔綠。願君馳怒馬，矜惜如珠玉。
造化重生機，傷生非所欲。恐折要路福，萬金不可贖。

送別八弟君絳重之日本

送子月臺上，攜手笑滿顏。丈夫志高濶，慷慨離鄉關。
况乃少年人，好月初吐山。相別如月虧，相集如月環。
月虧有時圓，人別有時還。但願立雲表，努力撥浮斑。
皎潔燦中天，眾星弗可攀。

嗚嗚復嗚嗚，汽遂兩三聲。客子迢迢去，身行心未行。
上既杳雙親，中復喪長兄。幼者牽衣裾，弱者問遊程。
一軀負宏任，舉家托經營。豈能輕別離，原為眾作城。
生存與學術，相切烈競爭。不為身謀學，奚以為權衡。
不為國謀福，家亦何以榮。報國以身軀，眷家以心情。
還期多別離，少壯早成名。

誄吳達軒明經見贈

君家蘆水東，我寄萍江西。相距五十里，樽酒莫頻攜。
我生三十年，君登七十五。想懸四十春，忘年交道古。
古道今不敦，機權醉方昏。骨肉且虞詐，朋友安足論。
我輩與世異，不向春風媚。松柏挺高崗，歲寒愈蒼翠。

還東村故居

敝廬尚依然，庭樹日以高。七載別重歸，松竹仍騷騷。
徘徊園巷間，仄徑滿蓬蒿。隆窪猶舊位，往跡歷無逃。
惟有廬中人，住去不同遭。沒者入重泉，徙者各羽毛。
眾飛倦孤還，索然心忉忉。况我少而壯，意氣徒雄豪。

疇昔嬉遊處，摩弄眇兒曹。獨掃庭苔綠，無語淺斟醪。
人生真轉蓬，歡樂勿勞勞。

寄政和黃絜麓

故人自東歸，道子廉作宰。久為長安客，風骨猶未改。
秋雲詭浮天，流波譎翻海。冠虎羣當途，慾花多蓓蕾。
清白以守身，子言良足采。宏願拯饑溺，天久吾儕待。

東隣叟

在昔總角時，熟覩東隣叟。脊直舉身輕，額縐髮丰黝。
容顏常和樂，多言不自口。出沒山林隈，晨昏驅犢走。
覲止笑與言，但道天晴久。平生不知爭，兒孫如蜜友。

我今年已壯，叟猶昔身手。與我三世交，見我兩世朽。
悲愴不堪思，智慧寧奚希有。

棄兒行

東鄉賈人女，北適農家子。農家有農風，農子自農比。
賈女恃賈豪，傲夫任驕侈。奴僕輕翁姑，怨毒遍妯娌。
朝夕咒犬鷄，厨中憤刀匕。遷怒及賓客，狂噬威隣里。
一門黯如喪，農子鬱以死。翁姑冷有言，賈女艷然起。
拍手大叫罵老物，何敢爾。汝子自無福，汝家自逢否。
爺孃無修積，翻不罪歸己。屈身在汝家，不如作奴婢。
厚奩誰不求，紅顏誰不喜。冤孽旣已滿，青春尚堪徒。

入房整衾幃，斂篋收簪珥。寄語與娘家，迎歸去如矢。
數日消息來，再醮富門裏。翁姑豈恤婦，念子淚不止。
一事獨艱難，遺兒方齟齬。遣叔送娘前，并以百金委。
賈女見兒來，入門痛鞭撻。含氣轉身入，炫叔服紈綺。
引叔觀新房，自贊爽且美。今茲甚安適，汝家豈得此。
速還汝家兒，我今弗能理。百金豈足多，勿形汝家鄙。
叔但低頭懇，離娘兒恐毀。十齡令之歸，起卧可自恃。
言時聲哽咽，拒絕堅不唯。兒啼戀母懷，推之如犬豕。
膠結悲號孃，拂裾奮蹴履。閉門任酸哭，吼詈嚴椎几。
叔乃負兒行，啼聲慘人耳。路人共詢情，詢罷淚如泚。

情溺篇

譯英文詩

有客往蘇蘭臨津呼艇子行將予重銀令我速杭水
借問子為誰天暮犯狂波家住阿華島身長百夫戈
隨者阿林女生為貴家娥相將追騎前三日奔逃險
倘被阿林獲碧血綠莎染追騎迫且至設殺彼美歡
更有何家子足以慰心肝舟子前致辭願速為君渡
豈貪璨璨銀為彼佳麗故彼姝成籠鳥同渡且勿延
怒潮雖白漲我意替君堅斯時水高湧風冷鬼嗚咽
對語怒天下相覲面如鐵悲風何淒淒夜色何昏昏
邏卒谷旁逼追馬渡頭喧美人嬌呼忙風雨非所苦

寧當迅烈天羞當震怒父情儔離險陸一葦寄洪濤
吁嗟洪濤急激蕩繞孤橈彼美蹈惡流阿林瀕厄海
忽將怒氣息竟作悲容改緣覩愛兒危玉臂抱情郎
更伸柔荑手招援狀可傷阿林悲聲呼回首速回首
脫此無情波救汝多情友可憐空悲呼駭浪舞縱橫
救援已莫及轉棹亦不成情魂墮恨水艷骨葬愁瀛
阿林懷長憾悔痛豈今生

中秋問月

東京作

薄醉不成懽呼月來相助驚彼團圓景殺茲幽逸趣
明知羈棲客鄉思正盤互况乃逢佳節離情銷無處

月何十分圓。今起家庭慕。或收井無波。來作嬋娟姪。
或欺久枯腸。促搜登樓賦。光潔亦美滿。問君何以故。
九霄立徘徊。含情嬌不訴。饒有自得顏。恍矜團圓遇。
謂月且勿驕。反省自覺悟。一月一回圓。年纔十二度。
限制拘時日。遮翳防雲霧。既靡自由權。堪塞來臨路。
羈客隨朝昏。山越海可渡。賺得長相思。贏得長相顧。
愉騷皆自結。豈為他人馭。相視孰優拙。者番心何誤。
月竟默無語。羞縮入雲去。

三十書感

少小嗟孤露。碌碌伍羣兒。至茲三十載。荏苒亦無為。

言念半生虛。中心頗自悲。對酒多感慨。歷歷溯昔時。
四齡蒙首正。阿父誨我儀。祖母食我葱。阿母衣我絲。
阿伯整冠帶。熹微授我詞。朝朝引句讀。暮暮戒繩規。
阿父自奮學。辨隙亦作師。得此循循誘。鈍根被其醫。
五齡阿父病。力疾游泮池。六齡父見背。弟生月未彌。
阿妹齒方四。孱孱待扶持。嗟我生兩月。祖父世已辭。
弟兄命何舛。憫凶乃遭茲。九齡喪祖母。家道漸瀕危。
我入里塾讀。擾擾但游嬉。訓誨日以疎。智識日以離。
阿母志冰霜。松柏節不移。向我揮長淚。囑我學謙卑。
啖粗習儉素。有鬪迫忍虧。教或有弗服。牽我泣且笞。

寒夜燈光黯，長言每耳提。謂汝祖若宗，家風久已垂。
讀書敦孝友，百年厚有基。汝父本奇才，總角露岐嶷。
九歲吐珠玉，文成驚臯比。性分既明敏，朝夕更孜孜。
老宿許青紫，固不待著龜。豈知壽與夭，天命不可推。
年華二十五，賈志別天涯。我仰古賢母，困苦甘饘醎。
但願汝自立，母為世所嗤。我時雖昏憤，聞此輒長嘻。
十齡病將死，阿母命欲隨。十三學為文，十五學為詩。
鄉村鮮良友，孤陋寡新知。十六逢哲士，浮雲盡為披。
華月欣初吐，嬋娟倍有姿。眼洞上下古，胸澈海天熙。
澄心復玄素，無為樂坦夷。鼓盞脫造化，邊際狹宣尼。

二十病虛弱，神氣已全衰。彭殤同一死，旦暮爭速遲。
頃息何沾戀，閒愁不上眉。阿母殊隱憂，我慰阿母辭。
謂昔聞母言，兒生卽死期。墮地無聲息，方欲委狐狸。
適有村嫗至，接吻吮殤屍。凝血六七吐，呱呱乃啼飢。
百年如一日，何用意傷慈。兒今已抱子，弄孫快含飴。
縱然一旦死，淚無為兒滋。不圖養攝久，舊貌復清羸。
我被彼蒼弄，靜思酸心脾。綜我年未壯，死境已三罹。
親屬慘零落，世道劇澆漓。回思正蒙日，恍惚隔世疑。
諸弟幸嗜學，天賦頗清奇。相與共濯磨，潔身守冰肌。
神仙同境界，性靈自悅怡。精華吸海國，光彩燦茅茨。

詩書供娛戲名勝恣奔馳恒以讀書暇樵採歌嶽巖
山林屏華膾物忌將安施人生真夢幻及早拔拘縻
文章驅奴隸富貴泯天彝智慧充其量人類自陳犧
世界本蕞爾海洋僅一危蟲沙笑奮鬪萬國困殘棋
我身誠藐爾遑遑欲何之方寸有乾坤可以遂吾癡
科頭高山巔浮雲手自麾呼吸清空氣咳唾落天陲
神明澈大空赤心映丹曦

七古

觀插田有感

村鷄喔喔星磊磊農夫分秧乘夜起曉來競插審縱
橫新綠次第浮春水婦炊童餉喜且忙風雨笠蓑入
畫美望歲占節驗氣頻擇種披沙揀金擬白粒盈盈
香滿盃幾經胼胝汗流泚吁嗟夫古道淪亡真風否
野人翻能養君子高堂袞袞素餐人應一逢盤一愧
死

望雨

冬春之晴如綺縠夏秋之雨如珠玉綺縠自能生色

彩珠玉可以易菽粟，色彩不彰人不喜，菽粟不具民
同哭，惟晴與雨皆利民，老天豈不心愛育，當晴不晴
雨不雨，恩不及時反為毒，寄語世界造福人，不審民
情福非福。

月夜渡洞庭

皎皎湖中月，瑩瑩月中水，清清客子心，融却彼與此，
風寒夜靜萬愁消，扁舟直向湖中抵，四顧茫茫無纖
塵不解斯身胡乃爾，舉頭問月低詢水，水月溟然無
所以，世人紛紛讀書誰治心，紛紛交友誰益己，安得
叔度汪汪千頃波，相對相忘消盡胸中鄙。

楊歧登萬及峯歌

吳楚之交山萬千，咄哉楊歧之峯秀，拔獨天然東崗
西嶺斷不連，突然孤立無倚偏，譬彼真君子，定力自
貞堅，舉世滔滔昏可憐，風骨嶙嶙獨完全，四山夭矯
更盤旋，雄猛渾如着祖鞭，然而竭蹶奔走不能前，終
讓斯峯一着先，直似高壇登大將，肅然鎮靜握危權，
從容措手出奇策，巍巍功自超羣賢，萬家煙火望中
延，無貴無賤同綿綿，極眼茫茫何處已，一日風雲屢
變遷，嗚呼莫是廣大慈悲佛，拈花微笑危坐擁金蓮，
現身說法欲作苦海船，我慕其名已十年，欲行復止

慳其緣。今朝洒落洗愁牽。攝衣直上峯之巔。山外之
山天外天。令我飄飄真欲仙。吁嗟夫。丈夫立身當如
此。高插雲表凌蒼煙。

哀故宮

堂堂明社淪滄海。漢家天子一朝改。遼東王氣入關
來。二百六十有八載。雞髮令下頭顱輕。衣冠已換文
章在。盛世鴻博特舉科。保和殿上朝門闥。御筆親題
翰墨香。龍顏一霽蓬瀛窠。姓字黃金闕。唱高。清班白
玉堂。聯等。雨露莫測天際來。朝猶單飄夕鼎鼐。遂令
天下有心人。溺盡聰明肆文彩。駐防却重將軍威。昇

平不解綠營鎧。猜心未已獄文字。操縱苦費聖明宰。
中邦熙熙文化隆。旌旗但紀西南功。天父愛兒金田
起。二分疆土掌握中。滿臣束手漢臣奮。武人不及文
人雄。戰代十載金陵解。幾疑走狗忌良弓。主帥明哲
深自斂。博得封侯勢位崇。江淮豪氣勃難遏。幽燕俠
義鬱蓬蓬。老成漸謝政網紊。不有賢者何以風。變政
未成翻政變。志士痛哭九州同。遠西近東強且富。內
憂外患一時叢。閉關欲鎖終不得。輪軌迢迢山海通。
天然險界何足恃。枉却當初造化功。工爾時坤宮尊
老祖。兒戲神主洲幽嗣主。八國健卒鷄犬驅。長安道

上蒙塵苦，既成和議，故態萌。膏脂億兆，何足數。佛身
活化紫竹林，春宮穢亂，官僚擄。下情蒙翳，暗天日。權
奸恣肆，橫今古。愈尊愈貴，愈鯨蠶。一官一吏，一豺虎。
請託投謁，各門牆。滿庭王公，盡商賈。頤和園裏，起腥
風。水晶宮中，飛血雨。堪歎秦人，不暇哀。方倚城池，自
安堵。良優尚，佐合歡。觴美人，猶作長袖舞。壯士大呼
權貴推，佩刀利刺金錢腐。一聲汽笛，喪南邦。萬里河
山如餘北，部中原豪傑走如雲。白旗飄揚，齊高舉。釜
已破裂，舟已沉。輪台有詔，抑何補。可憐孺子，竟茫茫。
傷心下殿，默然頰。霜雪嚴寒，風蕭蕭。羣山露骨，萬樹

凋上林，喬木爭先落。禁院繁華，望氣消。輻員廣大，家
何在。舉首四顧，天地寥。萬乘興衰，嗟亦易。一時貴賤
何相超。當年垂拱端，黠繡槐棘清曉。拜羣僚，紫泥銜
鳳加翎頂。黃絹蟠龍，賜蟒貂。濟濟公卿，三命錫。翩翩
親貴，五花驕。楚江一旦烽煙起，玉帛羣將海外僑。劇
終人散，管絃收。滿場袍笏，何處招。結束帝制，四千載。
天生龍種，竟不祧。自古有國，誰不破。主辱臣死，戰禦
驍。只今便轉霓旌去，電掣雲卷不終朝。最是心傷肝
膽裂，國非人是故宮遙。千疊琉璃，傾碧瓦。幾層樓閣
聳丹霄。蓬萊大液清，都邃高低迷。茫茫春水潮，翠華一

去無人管、祇聞嘯鳥訴前朝。漫言天道實難測、剝復
盈虧通且塞。試看二十四史畢、喪亡誰代慘。非刻君
不見殷周鼎、移賢人畢。故宮丘墟嘆黍稷、又不見朱
榮嘯兵入洛陽。太后幼主付漫滅、以今較古渾相遙。
何用自是君王福分特、千秋勅例崇優待。何用淒淒
哀怨慟、嗟嗟生別無甯死。此心豈是旁人識、存偕白
日沒黃泉。賚恨終古無窮極。

自題觀水圖

人生勞勞不自己、造物草草輕如螳。百年俯仰色復
空、貴賤強弱徒爾爾。豈無事業炫當時、此中固自有

真旨。豈無文章滿錦囊、其間更復有神髓。一道靈機
天秘傳、人苟得之能不死。君不見古今不竭東流水、
萬物隨波金石止。

清貧歌贈陳省仁

陳夫子、貧且清。短身被褐舉止誠、稠人雜處不異眾。
潛觀默察始可驚、孤枕一片抱救世。與物無忤人無
爭、顛戴芑蒼何高遠。跣踏大地寬且平、翩翩孤飛雲
表鶴。天大空舒卷任縱橫、又如夭矯之游龍。或騰天
際攪滄瀛、乾坤浩浩無拘束。胸懷磊磊何所縈、安用
華屋自局促。縛身樊籠苦經營、醴一勺已足飽良

田萬頃亦空名。功業擾擾費偷奪。俯仰之間千變更。
故宮離離長禾黍。銅駝遷徙荆棘生。長安猶是昔日
道。洛陽已非去時城。金陵夜月西川水。過客徒發弔
古情。四千餘年龍種絕。勢位漂搖一毛輕。文章喋喋
但聒耳。巨編高冊誰品評。作者牛毛傳麟角。心血智
珠埋荆榛。黃絹幼婦豈足美。天地自有奇妙聲。身外
事物咸點綴。一切幻境由心成。何如精神默寶貴。孤
詣獨往窺深閤。杜門不出心自廣。長與造化通聰明。
陳夫子。氣何宏。肝膽直向顏曾傾。陳夫子。心何瑩。澄
澄天宇一手驚。擎此身惟貧無罣碍。所以鄙吝毫不

萌。吁嗟夫。世人豈無陳子貧。不如介操潔若晶。世人
豈無陳子清。非與同其藜藿羹。我歌雖俚不輕發。惟
許陳子貧且清。

哀蜀都

三月落花花正舞。白帝城中沸錡鑪。倉卒變起殺行
人。萬眾飛奔如發弩。失色不敢回頭顧。問為誰何未
能吐。作戰臨街鑿濠深。市門閉盡成都賈。夜半槍擊
密燒臘。亂落屋瓦急飄雨。昏黑短巷軍相接。礮浪震
撼搖墻堵。流彈洞室身手裂。家家卧地命如脯。更驚
炎煙直冲霄。回風蔓燬魚鱗宇。一炬千家堆瓦礫。不

辨衡門與朱戶，天地駭動人昏迷。斷支破額不可數，
崩折呼號集聲哀。錦江春色成焦土，可憐棲燕重飛
來。翼力已窮不見主，皇城骨撐夢裏人。御溝血染桃
花浦，婦孺悲啼竄無路。黃衣一呼齊折股，道旁顛仆
慄褫神。剗腹割耳多膏斧，三日始令啟城門。數十萬
人流離苦，翁媪泣子妻尋夫。鄭俠之圖慘須補，喪亂
前經差自慰。國有危急應言武，三千新鬼夜哭哀。一
死無名冤結縷，况昔巷戰計以時。如此浩劫越今古，
事前不用千軍護，事後不用萬金撫。但願蠢蠢自生
滅，互祝將軍早息怒。

俠烈郎四首贈友從軍

烈烈大陸風，洶洶海洋潮。昂昂遠西子，捋鬚顧盼何
雄驍。吾儕篤生黃農神，武之裔胄，應有智勇撲羣梟。
少年意氣常自許，安能玩國任漂搖。佩君三尺劍，發
君千里驕。飲君盈杯酒，送君懽悅去迢迢。豁君瞭瞭
之靈眸，健君挺挺之中要。修刀指揮千軍肅，威名震
懾東西遙。

廣廈緣何開，賴有梗柀杞梓各呈材。季世迷陽滿道
路，脂韋呶訾溷塵埃。文章乃作折腰資，氣節廉耻滅
如灰。蒼蔚隋升婉孌飢，非有莫邪干將曷斬叢棘之

根茨。吁嗟夫。非有莫邪干將。昌斬叢棘之根茨。
君不見黃河奔天東。走海喜馬之峯突。起麗雲彩。自
古英雄誰非特。產草野間。噴薄精神震千載。俠義一
動山嶽裂。長林風靜。肅甲鎧氣壯。律整心已捷。敵膽
不喪。將何待。區區泉刀兒女小。且末丈夫馬能為之
餒。

朔風吼地寒吹雪。勇如鷓鴣鳴聲絕。俠子身手石且
鐵。雨愁冰凍不為折。世人塞堦蟄若蟲。俠子短衣出
門別。笑辭雙親及弟弟。少當努力為豪傑。男兒馳騁
非無意。揮劍願使羣醜滅。犯寒策馬不轉頭。道旁之

人嘆子血何熱。

哀衡陽

春花初發春草香。春禽婉轉勸壺觴。老農驅牛正犁
水。大軍一旦聚衡陽。有田無苗作戰場。有家無主作
兵房。白頭翁媪戀故穴。樹下籬邊棲惶惶。一見黃衣
驚跌膝。求爺赦死叩額忙。我子被獲役前敵。負重稍
遲頻擬槍。我媳我女走未速。羞辱殘軀委路旁。願爺
千歲萬歲壽。救我老物死不忘。蹴足叱走狼狽去。始
知到處難潛藏。十里百里同一哭。十家百家同一傷。
雷震電落山林燬。血淵骨嶽日無光。可憐密嶺稠巖

地萬劫不受此淒涼，斷送兩軍豪俠子。夜臺相晤是同堂。

湘江水

湘江水，何盈盈。千衝萬激逐波生，水中波何采采重。迴疊轉入東海，海浪洋潮巨且高。湘波穩伏不滔滔，無何風濤摩天起。湘波蕩歸湘江渙，舊時潮浪却相隨。推激竟轉湘波馳，人言波本浮沉性。故教去住終無定，豈知人心險且薄。暗覆幽翻事更虐，君不見楚南姝。三湘子，郎才高。女姿綺，自由膠結情何美。將軍一旦怒如雷，美人自証良人死。昔日重藁砧，今日鋤

奸宄，良人骨未寒，美人身別委。

哀醴陵

北去南來軍復軍，東奔西走民携民。欲去不得留，不可欲，供無力。止無因，家家相看面如鐵。日日同嗟命，不辰，膽已久裂。心久碎，室無餘物，僅餘身。敗軍重至，乃遷怒，閉巷攔街，舉火焚。滿市千門變平地，每家數口堆腥塵。間有兒童狗竇出，捉擲烈焰如擲薪。哭聲未轉身已滅，活潑潑者成煙雲。流膏滿地光何燦，白骨冲霧如香熏。公侯位高爵且厚，自有骨肉自有親。頂祝眷屬神仙好，小民螻蟻漫勞神。

清明小雨歸自補病齋。愛所經山水幽僻書復

齊主黃子絜麓

忽忽出門入綠野。眼曠胸豁頭盡捨。雲絆脚根蒼蘚。溼風驚樹杪。懸珠瀉。村深雨細。織紋飛。山頂泉鳴盤路下。亂岑負石岨且奔。行空不羈似天馬。濃陰寂寞。擁茅廬。古蔓嬰松。壓蘭若。天造春色。調淺深。巖花香半無名者。一犁春雨。自笠簔。老農入妙。真難寫。嗚呼繁華時銷歇。此境幽潔。長風雅。願挽山泉洗俗塵。托身草露。將鋤把。有時拂石彈素琴。知音要使一時寡。有時醉倒發狂歌。不讓千秋稱白也。吁嗟夫。古來奇

吝莫如天。人生渥丹不久假。上界神仙思不得。祇恐夜來魂夢惹。

嶽麓游

衡嶽九千七百丈。八百餘里周迴廣。上如車蓋亦衡軌。九面異狀隨湘仰。回鴈為首嶽麓足。七十二峯此一屬。湘西古渡重登岸。松夾磴老泉盤曲。導游碑短埋草青。尋徑先得愛晚亭。壑深木古池水幽。倚檻長嘯驚山靈。古刹層層山半起。真墟福地福應為此。峯擁翠護雲霞扶。六朝松牘圖一紙。拾級造極秋風微。空谷足音鳥驚飛。井泉未竭鶴長香。石屋猶存國已

非白楊蕭蕭烈士骨。蒼蘚疊疊偉人碣。名人合享名山勝。松楸憑弔悲風發。雲麓峯頂望衡宗。積翠浮嵐萬萬重。匡疑佐命青草腋。湘江千里伴垣墉。回顧都邑百萬家。城郭蟻穴樓閣沙。下瞰二水帶重轉。收羅林泉斷繁華。山下堂堂崇棟宇。有宋劉鼂朱洞荆建古。精舍千年造學沿。當時講席朱熹張栻主。古蹟荒殘真堪悲。極高明尚有亭碑。道中庸亭百泉軒。諭苗道鄉台無遺。林嶺泉澗終不變。彷彿當年舊亭院。諸賢法書壁間鐫。幾度摩挲拂石片。赫曦臺下池水清。赫曦臺上夕陽明。涼風細細搖松竹。道骨高風想像

生

檢舊篋得亡友吳企仁最後手書

柴門掩雨鬱千愁。客來不得貪書投。望絕逼向舊篋。揆得君最後川城郵。斯人已杳手跡留。使我觸目淚雙流。書中意趣高且周。直吐肺腑辭不修。悟得先民樂與憂。滿副精神紙上浮。反覆展讀不能休。滿副精騷怨無語氣結喉。怪君入官學已優。年壯氣盛姿出稠。光明磊落操守道。天何促迫催身抽。俛仰百思末得由。幾欲詢君向山陬。豈知人生本浮漚。一剎那間百春秋。况復苦兀叢戈矛。世法拘束如羈囚。尸肉靈

慧迴不侔存亡非自相中求。眾生蠢盡蜂蟬微塵役
役遍髑髏濁觀尸肉論偃僂。君自與世別明幽法眼
獨着靈慧眸。世人皆短君還脩。招魂剪紙何須游白帝
山頭與城頭。此理參破心無尤。不為君悲為君謳。開
窗風止雨亦收。廢君遺墨心悠悠。

東京觀女子小學運動會歌

三島民風羣右武。學徒莘莘爭自努。東都幼女好紅
裳。滿林楓葉舞秋霜。師是風。生是葉。風起葉飄飄。風
定葉疊疊。又如錦蝶迷春藥。滿園顏色亂紅紫。生是
蝶。師是花。花搖蝶飛飛。花舞蝶斜斜。風不力。分兮葉

東生方

何矯。花不香兮蝶何繞。美哉師生之名兮。父母之情
兮。精神之豁豁兮。性靈之潑潑兮。

淺草訪黃季寬留飲醉中書

東都陋巷多且曲。巷中之人皆促促。何緣得寓中原
幼學子。混處枳棘不為辱。手薪手耒朝昏勞。一鑪一
鉢生活足。抗爽耐苦饒。風趣有如古。幹茁春綠靄。然
啟晦方晨旭。親仁拜善需菽粟。我為故鄉情。探君窺
豪躅。助君吹火烹清泉。為我沽酒祛胸俗。君少我壯
本紅顏。主賓懽醉丹丸。蝸角殺機蒸蒸起。塵沙紛
紛壑。張慾與君短醉排牢愁。醒後仍須入地獄。入地

獄大誓幽暗輝明燭。

重陽醉雨

風淒淒雨綿綿。登高無山。沽酒無錢。幽昏室小。簷響
急。聞聲自醉。夢翩翩。臨風飄舉。萬餘里。弟兄握手共
凌往歲。此日高歌飲酒之山巔。

五律

孤村

孤村結小屋。風景亦堪褒。雨覺山移近。晴疑樹更高。
泉飛空嶺瀑。松起半天濤。觸眼情多韻。新詩舉筆豪。
寄居山家有感

苦雨

久雨悶將死。豪情鬱不開。癡雲膠嶺樹。頑溜腐墻埃。
鳥絕三春語。苗逢首夏災。干戈民正苦。劫火詎成灰。

秋日山居早起

豚色覩窗辨濛鴻，旦氣犁王孫吟尚苦。服翼掠猶低，山重凝涼露。家幽閉曉鷄，久興長夜嘆。立待啟沈迷，游山宿村家有感。

倦止安村舍，柴門晚尚開。東風吹雨散，夜氣帶秋來。天府兵重劫，王畿潦正災。支棚人不少，累累卧蒼苔。餞送吳企仁大令宦遊巴蜀。

天府繁奇勝，輸君少壯行。東江三峽險，荷戟萬夫驚。酒興黃花節，秋心白帝城。巫山神女在，及早報詩情。秋夜

夜坐凝詩味，秋來味更奇。拂燈涼月白，止誦候蟲悲。夢破濤驚處，更殘鴈過時。聞聲誰作賦，欲續已無辭。初春野步

清曉啟柴扉，芒鞋獨去歸。枯條爭潤色，死地着生機。隴畝荒皆闕，山林瘦復肥。試看明鏡裏，吾是舊顏非。短晴

積雨吝重晴，春光眼暫明。無風花不落，有地草皆榮。鳥吐幽抑氣，林伸暢敘情。上天時予便，康濟也非輕。次韻純一寶積寺黃山谷手植羅漢松

名士名空在，君身信永哉。盤陰經萬劫，古幹見層苔。

淨土精神鍊，禪房圖畫開。漫云同草木，細想幾徘徊。

七律

菊花

眾芳淘盡祇留渠，落落東籬瘦影疎。妙解精神陶五柳，飽嘗風味楚三閭。新寒抖擻人難忍，正色莊嚴我自如。獨立肅霜偏耐久，耻飛一瓣上襟裾。

三徑荒涼冷露侵，羣花庶草總銷沈。身甘淡泊幽居士，品重純黃絕澤金。令節昭昭榮虎落，晚香鬱鬱笑羸林。繁華性薄誰堪恃，畢竟寒葩有赤心。

能將壯觀表金商，女兒山頭湧異香。千古定名傳隱逸，一時抽穎挾風霜。仙家薄采蠲華髮，素女深宵鬪

艷妝我本不知人富貴，奈何人號御袍黃。
煌煌暉藻美無瑕，淡暎濃拖夕照斜。傲世奇姿希世
品，故人情誼野人家。芳蘭自可同終古，蕙苾何能亂
玉葩。看汝神仙根器好，後身還應化梅花。

書懷

青史傳才豈盡真，精華千古比祥麟。文詞哲匠有何
價，道德潛儒差可珍。自設藩籬稱聖者，天生山水樂
窮人。丈夫應造蒼生福，不見當年走問津。

武昌登南樓

胡床談詠儘歡娛，東晉風流自古無。老子於斯興不

淺，諸君少住樂相俱。江頭日夜濤聲急，樓上春秋月
影孤。雅度將軍今未見，登臨俯仰一長吁。

送黃絮麓出宰閩中

使君才調素翩翩，百里烹來似小鮮。俗比中州思古
化，碑銘新學考唐鐫。重關內阻屯軍幟，大海東環島
客船。醞釀未來循吏傳，家風早自次公傳。

春淫初霽游郭外

雨後料知農有趣，城中不覺野多姿。白桐綠柳青秧
地，忙蝶喧蛙鬧鳥時。舊葉差春新葉掩，近山留隙遠
山窺。三春幾日斯明媚，任是愁人亦展眉。

秋興

長林露洒不禁寒，遙望西南思萬端。巫峽骨暴秋草短，珠江血染夕陽殘。將軍已敗羞言戰，主國重來懶入官。知否寒衣思未得，平沙煙火幾家安。

舉世紛紛脫穎忙，潮來潮去好飛揚。文章新舊輕中外，黨錮江河笑漢唐。幾輩知時憂暗晦，萬邦驅愛慘玄黃。西風凋盡凡花草，一葉將零嘆海棠。

近人喻中國地形如秋海棠葉

池雲自上谷函問詩道詩以答之

氣概悲歌燕趙壯，巴巫奇險大江撓。身經萬苦情方曲，心浸羣書眼自高。春露濃花勻曉艷，秋風古樹嚮

寒濤，禁枯喧寂隨時感，愉吐中和憤吐騷。

無端

無端烽燧滿神州，舉目淒涼大地秋。億萬生靈供意氣，五千文化蕩洪流。雄心海島腰甘折，野哭江村淚未收。自是安危憑在掌，可憐福分幾生修。

秋鴈

羣向湘瀟湘振羽毛，九秋闕塞大蕭騷。風淒始信江南好，涼早爭從漠北逃。應識先來曾是主，徒排小陣莫稱豪。勸君征到衡陽止，踰過衡陽暖度高。落日揮絃目送斜，西風寒影亂平沙。知幾不誤重陽

候避地寧辭萬里遐。時復窮邊時廣澤，亦曾霄漢亦
盧花。燕雲楚水無歧視，南北原來是一家。
月夜聲聲信報霜。趨炎去冷事尋常，傳名任爾分鳧
乙。立志平生在稻梁，漫笑蹊成連屬指，也能字寫兩
三行。故瘡未已休輕往，墜落虛弦最可傷。
遠戍長門度幾重，天涯客又過浮蹤。帛書已使蘇公
返，羽翼何曾仲父逢。彭蠡頭飛肅肅，梁州嶺畔和
噍。噍備將贈繳誰堪射，羨煞尼山竟見龍。

折桂供書案

萬千金粟及時黃，信手拈來總是香。滿樹尚留風露
野一枝已上聖賢堂，難求持己如君淡，相贈無人祇
自看。最羨秋來多傲骨，先聲獨汝奪寒霜。

黃鶴樓

幾時黃鶴過磯頭，千古江城蹟聳樓。仙子笛聲名士
句，雲中帆影楚天秋。兩川白浪臨三鎮，一版黃圖縮
九州。極目朔南遙自拒，烟雲亂起客生愁。

抱冰堂

鐘鼎山林味兩嘗，書生遺跡在封疆。鐵頭眼澈南
石碣，名同十桂香。有國遑知為孫子，斯人不愧抱冰
霜。熟聞宰輔當朝日，猶是微時舊草堂。

丙辰春雨中雜感四首

九十風光已漸銷，人間生趣總蕭條。嚴寒鍵鎖黃鸝韻，苦雨催殘紫杏嬌。共信東皇心大晉，誰知青帝意無聊。祇聞天上春先到，時鳥時花分外妖。

四千年夢頃時終，餘味猶堪續故宮。夜卧肯容來舊雨，庶人安得共雄風。春城春野春閨夢，江草江花江上紅。沈醉濁醪猶未解，三分佳景二分空。

九州風雨一家春，南朔悲懽異此辰。歌舞樓臺祀笏炫，鶯花時節鬪螻新。快攀滄海龍鱗錦，愁上青天馬足塵。何處桃林花夾岸，捕魚欲學武陵人。

着眼孤高絕可憐，空齋寂寂理殘編。問雲野鶴情何雅，澤草山花種自仙。自古詩人多有品，於今名士半逃禪。年華容易將三十，慚愧前賢并後賢。

哭吳企仁

去年此際餞君車，十二人同笑語譁。只道一時成小別，豈知千古斷天涯。生敦品學斯為壽，死傍峨眉勝在家。無限友朋重集恨，可憐魂獨旅三巴。

初春感興 回文

家山卧醉自冥冥，句寫窮愁畫掩扃。花透信風春滿院，柳萌新碧水邊亭。紗窗竹映寒枝綠，草障烟開曉

岫青笳聽暮城江上獨斜飛雨久雪堆庭

落葉四首次吳達軒老人韻

顛倒隨風不可支蓬萊忽忽化盧其難禁露冷三秋
夜不似陰濃九陌時高樹初離鷺落拓故枝欲別尚
稽遲空堂誰坐黃昏暮縱有鳴聲若個知

飄泊江頭又陌頭寒蛩吟老洞庭秋補衣有意逢貧
道題句無心出禁溝悄悄梧桐風滿院蕭蕭楊柳月
添樓可憐拭翠空書字不解相思不解愁

青雲不墜志思堅爭奈微霜下眼前曾撒翠幃難認
路盡消春色未經年上林杏爾樓鸞鳳喬木翩然隱

石泉旖旎天邊傷奪錦綠愁青恨草芊綿

古寺殘鐘日影斜枯條點綴暮歸鴉夢為蝴蝶何時
醒飛到庭階即是家詞賦悲傷窮宋玉江潭悽愴老
瑯琊果然喚得隋皇起定返輕魂作綵霞

再和四首

西風遠塞度燕支曾向堂庭撼穗其滿院秋陰悲永
夕一場春夢了斯時瀛洲榭好飛何急燕子樓孤去
轉遲一自高枝霜信早此身黃瘦有誰知

涼州唱罷自低頭日黯長楊素女秋金屋魂消悲短
巷瑤臺影別泣迴溝忽教絳樹難成舞可惜綠珠竟

墜樓既怨飄零仍戀舊。趙家宮裏美人愁。
重幕空勞繫袂堅。迴風曲冷桂宮前。錦囊懸臂傷桃
日。璧月臨春落井年。粉黛迷煙搖翠嶺。胭脂和雨逐
紅泉。推殘白帝情真薄。知否何倪舊恨綿。
寶帳重重舞態斜。飛鸞輕鳳去餘鴉。朱顏四萬空唐
主。絳臂三千冷漢家。波信詩緣懷顧况。露蓉月柳賞
瑯琊。誰將愁貌傳神寫。瘦入長天比落霞。

郊居

天為幽人展畫圖。隴頭林屋景堪娛。日穿破瓦渾如
卵。雨滴肥田亂走珠。曲路沿邊青綠草。方塘映底碧
垂蘆。山雲野水排塵絕。漱溼餐霞一笠孤。

夜坐

天風吹雨過孤城。洒破幽燈無限情。至樂形骸端可
外。善忘色象豈難平。無心問世終非道。有意矜高却
近名。悟到拈花微笑旨。山鐘隱隱度輕聲。

遊深山

峰巒稠疊越峭巔。石澗曲奔亂噴泉。眾艸蕭蕭清氣
逼。孤村寂寂綠陰填。曉煙路斷山頭屋。春雨人耕木
末田。借問巖棲谷汲子。幾生修到此中仙。

新秋坐月分韻得涼字

盡人說秋秋不見，夜來忽送上衣涼。與君又擲一年少，恨我未傾千萬觴。天際雲輕難掩月，草頭露淺怯逢陽。兵戈滿地酣殘殺，欲避西風莫可藏。

哭十妹

生來聰穎異尋常，笑過同居姊妹行。針黹心摹成燦燦，詩文耳熟誦琅琅。身癯多病尤多累，淚得盡哭爺更哭娘。十六年中一幻影，可憐孤枕伴斜陽。一番苦雨一番風，恨煞曇華頃刻空。淚洒涼秋天慘淡，魂歸靜闥月朦朧。應知憶世生非願，料得逢親訴不終。祇是阿兄阿弟苦，年年寒食弔荒叢。

鄉春即景

見說春郊樂趣長，山花野草自然香。清明日暖牛歸晚，穀雨茶鮮婦取忙。鳥喜林端新世界，桐華屋角古村莊。去年此際軍南下，空擾農時隴畝荒。

喜池雲自保定歸

十霜不領家園味，一日相看少壯年。我尚退藏超作聖，子長離別勉齊賢。親頭未白中心樂，春蕊初紅野色妍。對酒且忘天下亂，事功創造有推遷。

寒疾卧成

三十年華似老夫，春寒何事迫詩癯。唾珠綠比春波

活舌本黃同塞草枯，久卧竟能堪腹餒。重裘猶覺被風驅，多愁自是兼多病。不識身心可換無。

過亡友吳企仁家

孤憤沈消，賸草青。劇傷寒月，感晨星。殘燈黯淡，人在何在。秋雨淋漓，夢早醒。聽訟矜情，知法意。蓋棺不死，是心靈。尸行肉走，終非壽。何用支撐，有定形。

元夕有感

不夜燈開皎月盈，萬家歌管動歡聲。奪關不誰為彈丸慮，弛禁群銷走馬驚。浩劫亦知魚在釜，繁憂強撥螳浮觥。孤城斗大頻傳警，祇有今宵似太平。

病起

荆榛未改舊風塵，忽覺今朝放眼新。豈是溪山曾幻色，無非心意偶凝神。成名多管奇貧士，悟道偏深善病人。禍福由來相倚伏，幾微好自證前因。

種梅

除却寒香臭味同，有誰堪繞屋西東。不嫌萬樹圍和靖，欲化千身學放翁。疎影安排新畫譜，空山點綴小天工。呼將草莽橫鋤盡，處士棲身淨土中。

春夜山行尋陳氏莊莊近古剎

久慕禪房近小樓，尋行且喜月垂鉤。野花處處香蹊

石怪鳥聲聲悚墓邱，細水響如人絮語。亂山幽比客
多愁，寒煙芳草迷濛處。領取鐘音導雅游。

除夕感懷

乾坤何處着斯身，千萬金曾買古隣。無學久欽工部
富，未飢深愧廣文貧。梅花度歲惟餐雪，柏樹含香不
借春。願對山中良伴飲，陶然一醉性逾真。

送池韋赴山西應閩督軍電調

幸遇魯風今在晉，泱泱道義已胚胎。助防世界波濤
險，同挽人羣秉賦回。陰嶺東盤民習樸，黃川西繞智
通財。化真豈恃邊牆險，自有長城旦旦開。

東京中秋書感

固知遊子怯佳節，遙想高堂亦減歡。濁酒強邀同輩
醉，明蟾借向異邦看。哦詩僑館樓窗洞，踏露鄰村夜
氣寒。見說家家環集樂，愁魔降伏委蒲團。

遊日比谷公園

秋寒無賴軟塵栖，豁眼名園着履躋。巧擴人工開湫
隘，曲通車馬厭喧嘶。臺池頗喜能清淨，花草微嫌大
整齊。最好林陰色又黯，再來須趁雨淒淒。

接家報僅老母在家感慕而賦

想像孤村巨宅中，夜來寒雨又寒風。蒼頭厨下喂貓

犬老嫗爐前憶婦童，渡海悔求經世術。棄家先背愛人忠，大羣原自三倫始。不事推恩豈有功。

憶諸弟時庾麓留燕京，池雲留太原君絳留鹿

島

父兄凋喪同孤露，山水迢遙各旅人。富士大行頻繞夢，黃河東海暗通津。抒心針向咸能定，立國精神早認真。深慮危操天眷助，一分發展一分春。

秋夜醉後日比谷公園看菊花會

電光花影勝晴春，錦帳標名次第陳。濃淡色香同品格，風霜時節鬪精神。名園領韻秋情醉，游女爭妍粉

態新花好看，花人更好看。花人看看花人。

續夢中句

乙卯暮春偶宿村莊夢一老人邀至深山絕巖中，忽見院宇迤邐，雲間曲穿，旁折雅潔，異常然闌其無人。老人授紙筆索詩，當賦一律。老人誦之，拍案驚醒，僅記細蔓狂花一聯，因足成之。

誰家院落萬山中，雅室幽園處處空。細蔓嫩鋪苔石碧，狂花香撲繡簾紅。神仙境界春宵遇，翰墨因緣夢裏通。苦費少陵思廣廈，豈知寒士不愁風。

雨夜寒甚與友人縱談世道書此

夜深爐火撥殘紅，細雨昏燈語自雄。至道詩衰求野
外，豪情運蹇鬱胸中。評從確處人心折，詞到嚴時鬼
計窮。大息河清弗可俟，浮桴欲具去海天空。

送春

鳥啼花落春歸去，思士幽人意欲灰。嘔盡情絲爭寫
句，望迷芳草苦持杯。年年歲歲春無恙，雨雨風風人
漸衰。萬古茫茫春所送，奈何翻為送春哀。

春闈厭雨

陽和滿擬快羣生，誰識春明竟不明。久洗新林頭盡

俯長喧，古澗勢非平。天低水墨吞山潑，烟暗牛簷鬪
雨耕。待得霽開春又盡，花遲柳困已無情。

贈落花

報道東皇着去鞭，千朱萬紫共遽然。掃除脂粉輕顏
色，鍛鍊精神復性天。有實漸充圓體大，空花好護弱
芟堅。試看百種凋傷後，依舊家家錦繡全。

秋夜不寐

夜深遶屋聽殘更，愁恨無端滿腹橫。秋雨長淋悶欲
死，籬花未放詩難成。少年幾輩爭磨濯，眾草頻年變
瘁榮。醉夢可憐呼不醒，四鄰喔喔起鷄聲。

喜舊友陳省仁至

頻年互訪不相值，
菡萏花時竟肯來。
乍見笑評肥瘦體，
久談驚異昔今才。
機穽蛾射人心巧，
風雨鷄鳴我輩哀。
千種離情千種恨，
與君都付手中杯。

山行

新放晴光爽翠華，
山山曲露山家。
徐行石徑穿苔破，
小立松風掩袖斜。
身到蒼巖心似洗，
手推青霧眼無遮。
天容物態齊開朗，
草起愁眠醉醒花。

五絕

之日本經鄂待輪有感

遊子賦長征，慈親暗計程。
不知稽逆旅，屈指過南京。
中秋對月懷諸弟及諸友

月月今宵月，今宵感獨多。
舉頭同此月，望眼各山河。
村行

樵歌逸遠韻，村酒醒餘狂。
林靜禽無語，風微稻自香。
贈友

一望知君子，蕭然澤畔吟。
誰言貧似洗，聲價自千金。
看月

更鼓暗催涼，浮雲集散忙。嬋娟終夜靜，不損皎然光。
短句二首

朝作健飯人，暮作無名鬼。役役復何為，百年亦無幾。
智愚同一生，貴賤同一死。真性苟不存，草木猶難比。

渡海

染天濃潑墨，浴地濁餘漿。渺渺情無着，逢山似見娘。

喜居停主剪窗外樹

窗綠森寒露，瀼瀼午未晞。番頭真解事，剪樹放暄暉。

七絕

武昌南湖別池雲

漢臯喜見又言旋，君佇江濱我上船。人自回頭撓自
遠，南湖湖畔柳如煙。

秋早

赤暎射水魚翻白，清露凝霄草漸黃。漫怪人家門未
啟，江頭朝作十分涼。

秋晚

晚風城上送悲笳，幾處鐘聲并起譁。獨立山頭涼滿
袖，野烟橫斷萬人家。

長沙登天心閣

秋風扶送入雲霞，俯瞰城池百萬家。
嶽麓遠屏湘帶繞，不曾他顧有長沙。

荒村

荒村野草寂無家，亂棘交橫古徑斜。
枯樹遠看疎着葉，臨風落盡始知鴉。

舟行

身寄浮家思渺冥，楚濱一夢到吳醒。
舟平祇見羣山走，水濁逾彰兩岸清。

夏晚

日落餘炎未稍差，野烟乘暗起相遮。
雲峰山影渾難辨，時到黃昏眾眼花。

啜殘花

歌管已休深院寂，強誇顏色意驕人。
多情何不殉春去，巧待春歸示戀春。

月夜觀雪

雪白月明還大素，月空雪色悟奇觀。
色空明白微芒辨，月自清涼雪自寒。

過友人齋

山曲林深古屋低，高人有福此孤棲。
石欄橫鎖臨門

外水垂柳垂楊鳥亂啼。

牆外芭蕉一葉獨露感賦

曾憶經霜自萎不，此心千路膩兼柔。偏偏善採春消息，一葉依牆又出頭。

幽居

蕭蕭門巷擁疎籬，嫋嫋秋風冷夢思。細雨無聲飛鎮日，窗陰溼盡我方知。

洞庭湖

不信東西可問津，波濤萬頃渺無垠。明明一片浮天鏡，落得君山半點塵。

雨後

岡巒處處望鬢鬟，大氣滂洋勢尚驚。野水亂奔溪響急，連天雲抹遠山平。

折花吟

移將春色到儂家，楊柳風吹鳳子斜。底事游人爭注目，拈花人勝手中花。

次韻黃道腴校中新柳

繞廊萸柳嫩垂枝，不比隋堤裊裊絲。曾向陶家投足久，眼開初望寫經時。

秋閨

無端皎月入幽房，戀照空幃更斷腸。孤枕有聲惟落葉，破薄衾何計遣新涼。

看花

乘着東風鬪艷姿，一朝春去賸空枝。從今別具看花眼，不看開時看落時。

早起

平旦蚩蚩大古風，草香林靜萬愁空。人間此福誰消受，輸與農家牧犢翁。

山齋秋夜

月窗簾捲淨吟魂，細細涼風寂寂村。如許詩情如許

夜拈毫欲寫却無言。

桂

幾宵山館耐寒推，纔得清香撲鼻來。堪與菊花稱二傑，落黃時節獨黃開。

菊

此身偏自鬪霜過，笑彼乘春炫刹羅。那縱是西風好，摧折遇斯岬傲可如何。

送妹夫李翰侯之咸陽

君王禁殿長蒿莪，西去應知感慨多。山鳥似欣人弔古，枝頭婉轉助驪歌。

祇有關河似舊時，煌煌帝業嘆陵夷。於今不是長安道，車馬何妨擁敝羸。

贈梅

百花妍媚日爭新，處士風標總絕塵。朱紫一時甘本色，惟君與我是癡人。

冬夜與諸弟談道

敢道清高潔似冰，山齋坐對寒夜寒。凌話來胸次同無物，皎月俄從樹裏升。

溪流

挹注青疇可利民，漫誇流遠恥溪淪。於今大海多風

浪，一作波濤便壓人。

天水吟

管領山河苦費心，何如興趣治詩深。風流鉅是南唐主，城破櫻桃白尚吟。

讀山谷詩

人道槎枒豈定評，盤空硬語自渾成。飄風疾雨天難測，有宋詩家此善鳴。

船宿門司

秋晴海色迴天黯，晦夜燈光綴岸圓。正出驚濤拔奇颶，深盤船頂飽山烟。

神戶中途送別八弟君絳之鹿兒島

異國牽衣別已難，分行况是倦途殘。平生未洒離人淚，不覺今朝為弟彈。

夢回

涼月疎枝夢故稠，夢回還卧海濱樓。霜宵怯被輕如許，不夢猶難遣此秋。

苦吟自嘲

憔悴凝思句未成，客來頤指小兒迎。山妻不解頻相聒，顧得人情喪己情。

一字猶差食不甘，耳邊空過眾人談。非經愁苦無深

味，此味旁觀幾個諳。

夜來

夜來枯坐思層層，到得更深味愈增。惟恐有詩成枕上，床頭臨睡尚留燈。

春閨

濃妝怕看陌頭柳，翻恨東皇送好春。寄語飛花隨意落，莫教飛去惱離人。

夜泊金陵

滿江明月滿城烟，獨倚船欄憶古先。儘有聰明都誤此，帝王何在祇山川。

偶然

偶然得句却無題，投入詩囊久不窺。一旦傾圮來飛片，片春風三月落花時。

東游記別四首

阿母殷勤恐凍飢，勞將脯腊與寒衣。遙知小雨愔愔日，閒坐中庭憶瘦肥。

老母手造醃菹并新製覆藉

阿妻結網復綜繩，羅繫歡情意萬層。縱使兩京春似海，此心牢固總如冰。

山荆措行李至審密即藍網被縛手為新製

阿兒牽手問歸期，要買花花給我嬉。料得門前朝暮望，弟兄相語怪爺遲。

阿弟離居遠送行，香溪折柳不勝情。丁寧整理家庭外，里鄙維持好繼兄。

寓園雜詠

錄二

城曲叢青似野家，閒居飲水愛無奢。夜來珍重銀床鎖，祇恐鄰人奪井華。
天然繪畫變無窮，景物今朝化更工。錯落輕珠蕉葉雨，參差亂鬢柳絲風。

幽居

睡足神清靡所思，一聲山鳥晝遲遲。柴門獨立西風緊，落葉蕭蕭吟詠小詩。

秋夜偶成

秋風辣手烈秦火，黃菊丹心抗史官。但有性情根造化，豈從時際計寒霜。

客興

小雨難成遊子夢，月明腸斷倚欄人。無情祇算東風最，離恨偏多^時送早春。

園望

同是園林雨露柯，偏偏小樹着花多。喬枝已厭繁華味，留取精神返大和。

植柳

初倚樓臺乍學顰，低頭羞自舞輕身。偏偏解得新多寵，別換嬌姿媚主人。

舟吟

春花春草到毫頭，春夢春愁付水流。鶯調和成詩調好，滿堤楊柳泊孤舟。

偶吟

惟有精神傳萬古，置身何必定公卿。試除功德文章者，誰記前朝宰相名。

除夕雪達元旦

寒風一夜分東北，素雪終宵有舊新。習慣祇知同樣

冷空言天道已回春

中秋不見月

空有樓臺影不西，徒勞佳夕舉頭齊。
披雲欲慰人間望，願向周郎借箸梯。

雪

水光雲影月清華，姿色今時莫可誇。
怪道昨宵寒徹骨，千巖萬壑放梅花。

雪谷詩草曰壯集

終



民國八年十二月
寄自日本東京

國家圖書館 NATIONAL CENTRAL LIBRARY, TAIWAN, R.O.C.